



Republika e Kosovës – Republika Kosova
Paneli Zgjedhor për Ankesa dhe Parashtrësia
Izborni Panel za Žalbe i Predstavke

Anr.661/2021

Paneli Zgjedhor për Ankesa dhe Parashtrësia (PZAP), me panelin e përbërë nga gjyqtarët: Adnan Konushevcu kryesues, Rrustem Thaqi dhe Faton Ademi anëtare, duke vendosur përkitazi me ankesën e Fitore Simnica nga rradhët e subjektit politik Partia e Drejtësisë PD, dega në Fushë Kosovë të paraqitur kundër Komisionit Qendror të Zgjedhjeve-KQZ, me objekt të çështjes rinumërimin e të gjitha kutive në Qendrën e Votimit, Bardh i Madh, Komuna Fushë Kosove, për Zgjedhjet Lokale të datës 17 tetor 2021. në seancën e panelit të mbajtur më datë 20.10.2021, mori këtë:

V E N D I M

HUDHET e palejuar ankesa Anr.661/2021 e datës 18.10.2021, e paraqitur nga Fitore Simnica kandidate për Kuvend Komunal nga radhët e Partisë së Drejtësisë - PD, me të cilin ka kërkuar rinumërimin e të gjitha kutive në Qendrën e Votimit, Bardh i Madh, Komuna Fushë Kosove, për Zgjedhjet Lokale 2021, të datës 17.10.2021.

A r s y e t i m

PZAP-i, me datë 18.10.2021, ka pranuar një ankesë Anr.661/2021 nga Fitore Simnica kandidate për Kuvend Komunal nga radhët e Partisë së Drejtësisë -PD, në të cilën theksohet se kërkoj nga KQZ, të verifikoj rezultatet në vendvotimin nr.0902E/01R, ngase në formularin e kandidatit ku ka mospërputhje me rezultatet e publikuara nga KQZ-ja në faqen e saj zyrtare. Sipas parashtrueses së ankesës, Partia e drejtësisë, PD, AKR, AAK, dhe NISMA, kane 0 vota në listën e KQZ-Së, ndërsa në formular kane nga PD-8 vota, AKR 2 vota, AAK-4 vota dhe NISMA-5 vota. Kërkon rinumërimin të të gjitha kutive në qendrën e votimit, Bardh i Madh, Komuna Fushë Kosove.

Si deshmë ankesës i ka bashkangjitur formularin e printuar të rezultateve të kandidatit dhe rezultatet e publikuara nga KQZ.

PZAP-i, pasi që shqyrtoi lejueshmërinë e ankesës, gjeti se:

Ankesa është e palejuar

Paneli nuk është lëshuar fare në vlerësimin e pretendimeve ankimore, lidhur me shkeljet e pretenduar në ankesë përkitazi me parregullsitë në vendvotimin me nr.0902E/01R, Bardh i Madh, Fushë Kosovë, për faktin se shkeljet që ndërlidhen me rezultatin e votimit, duhet të parashtrihen me rastin e shpalljes së rezultatit përfundimtar nga KQZ-ja, e jo në këtë fazë të procesit zgjedhor. Në rastin konkret nga KQZ-ja, nuk është marrë vendimi përfundimtar mbi shpalljen e rezultatit përfundimtar, andaj Paneli vendosi që ta hudhë si të parakohshme ankesën e ankueses. Hudhja e ankesës së Fitore Simnica nuk e paragjykon çështjen dhe ankueses nuk i mohohet e drejta që mbi këtë bazë, të paraqes ankesa tjera, pas shpalljes të rezultatit përfundimtar nga KQZ-ja.

Prandaj, nga arsyet e theksuara më lartë, e në kuptim të nenit 118.1 të LZP-së, paneli vendosi si në dispozitiv të këtij vendimi.

Paneli Zgjedhor për Ankesa dhe Parashtrësia
Anr.661/2021 më datën 20.10.2021

Kryesuesi i Panelit
Adnan Konushaj



Këshillë juridike: *Kundër këtij vendimi nuk është e lejuar ankesa.*